



孝肅包公奏議集

門生朝奉郎尚書職方員外

郎知廬州軍州事兼管內勸

農事兼淮南西路屯駐駐泊

兵馬鈐轄上騎都尉賜緋魚

袋借紫張田題辭

仁宗皇帝臨御天下四十年不
自有其聖神明智之資善容
正人延讜議使其謀行忠入
有補於國卒大任以股肱者
惟孝肅包公止爾或曰先朝
任諫官御史多矣不四三年

歛至侍從近列然類弗遂大
用又多不得善名以去獨孝
肅之進終無他各而天下不
得異議者何哉曰包公一舉
甲科拜八品京官令大邑當
是時同中第者雖下流庸人

猶數日月以望貴仕公拂衣去
養十年亡宦意其心亡他止
知孝於親而為得也已而還
朝天子器其才高行潔處之
當路公上禪帝闕下瘳民病
中塞國蠹一本於大中至正

之道極乎是必乎聽而後已
其心亦無他止知忠于君而
為得也他人或才不勝任望
不厭人方且死黨背公挾憾
復怨如鷲得搏若虺肆毒顛
墜於樵賴泯滅之地以甘其

心此衆所以多不得善名以
去公進無他各而天下不得
異議也初公之歸養也至畢
親喪方復仕嘗有詩云秀幹
終成棟精鋼不作鉤卒踐其
言而得大位美矣雖然愚謂

非會仁宗皇帝至明上聖有
不可惑之聰公欲必行其道
于時難矣乎孔子有言邦有
道危言危行坤之六二亦曰
直方大不習无不利此公所
以逸辰也公薨後三年因守

廬州畫得公生平諫草於其
嗣子大祝君因取其大者列
三十門凡一百七十一篇為
十卷恭題曰孝肅包公奏議
集遂納諸家廟庶與其後嗣
亡窮也公之事業始卒官闕

遷拜有國史與天下公論在
此不敢輒書云

孝肅奏議目錄

第一卷

應詔 一篇

仁宗皇帝開天章閣親製策問

致君 九篇

請建太子

進魏鄭公三疏

七事

論委任大臣



孝肅奏議目錄

五

論大臣形迹事

謹天戒

論赦恩不及下

上殿劄子

論冗官財用等

第二卷

任相一篇

晏殊罷相後上

言災異三篇

論日食

論地震

論星變

明體一篇

論臺官言事

明禮二篇

論百官致仕

請兩制官祀九宮貴神

戒漸一篇

論內臣事

慎命令一篇

論詔令數改易

論功一篇

請謚王明

論賞一篇

論李用和捉獲張海乞依賞格酬獎

慎差除一篇

請復封駁

選舉四篇

論取士

請先用舉到官

請依舊封彌謄錄考試舉人

請依舊考試奏蔭子弟

第三卷

擇官二十四篇

請選諫議大夫

請復御史褻行

請選用提轉長吏等

請令審官院以黜陟狀定差遣先後

請選河北知州

請選廣南知州

請選利州路轉運使

再請選轉運提刑

請置發運判官

請召還孫甫張瓌

請復韓贄等臺官

論河北帥臣二章

請除范祥陝西轉運副使

再舉范祥

請錄用楊紘等

請選人知虔州

請選差河北令錄

請廣南添差職官二章

乞不用贓吏

乞不遣楊景宗知磁州

請選內外計臣二章

省官二篇

請罷巡驛內官

乞罷河北提舉脩造軍器使臣

第四卷

去刻薄一篇

請不用苛虐之人充監司

抑僥倖七篇

請絕內降

論明堂覃恩

請令江淮發運滿任

論先舉三路知縣不得令監當

論縣令輕授

奏許懷德上殿陳乞

應修造使臣乞依宣命不得乞轉官

慎刑一篇

請令提刑親案罪人

正刑八篇

乞斷韋貴

請重坐舉邊吏者

論踈決

論內降

請重斷張可久

乞斷向綬

請法外斷魏兼

請賊吏該恩未得叙用

第五卷

明禁 六篇

請差京東安撫

請速除京東盜賊

請斷銷金等事

請開封府司錄左右軍巡官屬不得請

謁并追贓事

請止絕三番取索

請罷天下回易等

去妖妄 三篇

奏議目錄
論妖人冷清等事二章

請安置鹿皮道者

第六卷

按劾二十五篇

彈宋庠

再彈張克佐 三章并中書劄子二道

論李昭亮二章

論丁度孫甫事乞辯明

彈郭承祐二章

彈李洙二章

彈張若谷

彈王逵七章

請勘閻士良

請罷知雄州劉兼濟

論李綬冒國親事

請追任弁官

論閻士良轉官

請罷王渙權貨務

辯理一篇

請留吳奎依舊供職

第七卷

民事二篇

論歷代并本朝戶口

直勾衙前請限二年一替

寬恤二十五篇

請差災傷路分安撫

再請差京東安撫

請罷天下科率

請免江淮兩浙折變四章

請免陳州添折見錢

請救濟江淮饑民

請支義倉米賑給百姓

論江西和買絹

論放欠

請權罷陝西州軍科率

請將邢洛州牧馬地給與人戶依舊耕

佃一章

請放高陽一路欠負

請免沿邊人戶折變

請接送北使三番

請修商湖口

請出內庫錢帛往逐路糴糧草

領陝西漕日上殿

乞開落登州冶戶姓名

請罷同州韓城縣鐵冶務人戶

論瀛州公用

請罷里正只差衙前

第八卷

戒興作

請不修上清宮

興利一篇

請修蔡河堰并斗門

言財利四篇

論茶法二章

言陝西鹽法 二章

議兵 七篇

請留禁軍不差出招置土兵

請那移河北兵馬事 二章

論宣毅軍

請移冀州就糧兵士歸本州

請移冀博深三州兵馬

請移配河北作過兵士往向南州軍

第九卷

議邊

進張田邊說狀 賜張田勅書附

勅書下安信軍 通判殿中丞張田

論邊將 二章

請選雄州官吏

論契丹事宜 三章

論吳賊事宜

論楊守素

論保州事

乞河北添糴糧草

再請移那河北兵馬及罷公用田易

請擇探候人

論蠻賊事二章

第十卷

糧道

奉詔河北計置斛斗日上殿

請支撥汴河糧綱往河北

請於懷衛糴米修御河船運

請河北及時計置斗斛

請添河北入中糧草

求退七篇

求外任

孝肅奏議目錄

孝肅包公傳

包拯字希仁廬州人天聖五年登進士第累擢
天章閣待制龍圖閣直學士權三司使嘉祐六
年遷給事中正三司使數日拜樞密使遷侍郎
辭不受七年薨于位年六十四贈禮部尚書謚
孝肅子誕初拯以大理評事知建昌縣辭以親
年高改和州筦庫而親不欲去鄉里遂解官就
養及親亡廬墓側終喪不忍仕久之知揚州天
長縣有訴盜割牛舌者拯曰第殺而鬻之俄有

告私屠牛者拯曰已割其舌矣非私殺也盜色變遂引伏嘗使北虜虜之典客曰雄州開便門欲誘納叛人刺候疆事邪拯曰誠欲刺之自有正門何必便門也此豈嘗問涿州開門邪虜有沮色為御史言諸道轉運加按察使之名以苛察相尚奏劾官吏更倍於前皆摺撫細故使吏不自安詔為罷之除陝西轉運使既行數日有他路監司對而求章服者上不悅因傳宣中書曰包拯使陝西未嘗自言也可齎三品服賜之

及知諫院數論斥大臣請罷一切內降又錄唐魏鄭公三疏請置座右及別條七事言明慎聽納辯別朋黨愛惜人才不主先入之說蕩去疑法條責臣下牽錄微過其論甚美在陝西奏罷斜谷務造船材木十萬及罷七州河椿竹索數十萬奉使河北言牧馬占邢洺趙三州沃壤萬五千頃悉請以予民從之知瀛州除放一路所負田易公使錢十餘萬仍奏諸州毋得回易公使錢遂為著令開封舊制訟牒令知牌司收之

於門外拯知府開門使徑至庭下辯曲直京師大水拯以勢家多置園第惠民河上歲久堙塞遂盡毀去宦者偽增地契步數悉奏劾之權貴為之歛迹權中執法請立皇嗣陳教養宗室之法責諸路監司聽御史府自舉屬官諫官御史不避二府薦舉兩制得至執政私第減一歲休假日皆施行及攻羅張方平三司使而除宋祁拯又屢擊祁在蜀宴飲過度遂除拯三司使翰林學士歐陽脩疏拯所謂奪蹊田之牛罰已重

矣又貪其富不亦甚乎拯居家避命者久之在三司和市上供物以單科率之擾其為人不苟合未嘗偽辭色以悅人平居無私書故人親黨亦皆絕之人多憚其方嚴雖里巷婦人穉子莫不知名仕至通顯奉已儉約如布衣時少為劉筠所知筠無子為奏其族子為後而請還其所沒田廬

國史本傳

包拯字希仁廬州合肥人天聖五年進士及第

授大理評事知建昌縣父母春秋高辭不赴得
監和州稅和與廬雖鄰郡而其親不欲去鄉里
遂解官歸養後數年親繼亡墓下終喪猶不思
去里人數勸勉之出知揚州天長縣有訴盜割
牛舌者拯使歸屠其牛鬻之既而有告私殺牛
者拯曰何為割某家牛舌而又告之盜者驚伏
徙知端州權御史中丞王拱辰薦為監察御史
裹行未幾改監察御史建言 國家取士用人
不得實歲賂戎狄非禦戎之策又欲重門下封

駁之制及廢錮賊吏重選守宰行考試補蔭子
第之法初諸道轉運加按察使以苛察相尚又
疏言今日奏劾官吏文按數倍於前皆摭撫細
故吏有不自安者於是為罷按察使使契丹至
神水館前使者過數遇凶恠如有物擊之仆地
拯徑入居之戒從者雖有恠毋得言至旦亦無
所恐及還虜人令典客謂曰雒州新開便門乃
欲誘結叛人以刺候疆事乎拯毅然曰欲知此
事自有正門何必便門也此豈嘗問涿州開門

邪虜折不復言為三司戶部判官賜五品服出
為京東轉運使改工部員外郎直集賢院徙陝
西 詔入見既行數日會他路監司有對自求
改章服者上不悅因傳宣曰包拯任陝西未嘗
自言也可齎賜之次華陰換三品服又徙河北
轉運使入為三司戶部副使奏罷秦隴所科斜
谷務造船材木近塞邊郡稍警詔令近臣條對
禦邊之策拯對西北形勢山川扼塞及所以先
事選練稍儲之術甚備遂命往河北調度軍食

言牧馬占邢洛趙三州民田萬五千頃漳河沃
壤民不得耕請悉以賦民從之又往解州經度
鹽法請一切通商為便皇祐二年擢天章閣待
制知諫院數論斥大臣請罷一切內降奉詔除
天下逋欠七千二百餘萬嘗寫唐魏鄭公三疏
上之請置 天子座右及別條七事大指明慎
聽納辯別朋黨愛惜人材不主先入之說蕩去
疑法條責臣下牽錄微過其論甚美四年除龍
圖閣直學士復為河北轉運使前此嘗建議當

無事時徙兵內地不報至是復請罷河北屯駐兵而分之河南兗鄆齊濮曹濟諸郡遇警即發之宜無後期不及之患徙知瀛州悉除一路吏民所負田易公使錢十餘萬仍奏諸州如瀛州悉禁公使錢毋得田易以喪子乞使郡得知揚州徙廬州遷刑部郎中至和二年坐失保任左授兵部員外郎知池州明年復其官如故徙知江寧府召權知開封府除右司郎中極立朝剛嚴聞者皆憚之至於閭里童稚婦女亦知其名

貴戚宦官為之斂手舊制凡訟訴不得入門極使徑造庭下自道曲直吏民不敢欺京師大水乃言勢家多置園第於惠民河上歲久堙塞遂盡毀去中貴人有侵跨河壩為亭榭者自言地契若此驗之乃偽增步數劾奏之嘉祐三年除右諫議大夫權御史中丞數請立皇嗣及陳教養宗室之法又條責諸路監司御史府得自舉屬官諫官御史不避二府薦舉者兩制得至執政私第減一歲休假日皆施行之張方平為三

司使極攻罷而除宋初代之極又疏初前在蜀燕飲過度累擊之不已初既罷而極遂為三司副使翰林學士歐陽脩復疏極所謂牽牛蹊田而奪之牛不已甚乎極因家居避命者久之乃出其在三司凡諸筦庫供上物舊皆科率外郡積以困民極持為置塲和市民得免其擾吏負錢帛多縲繫門輒逃去并械其妻子者類皆釋之六年遷給事中為三司使數日拜樞密副使遷禮部侍郎辭不受一日暴得疾歸遂卒年六

十四 上幸其第臨奠輟視朝一日贈禮部尚書謚孝肅極性不苟合未嘗偽色辭以悅人平生無私書至於干請無故人親黨一皆絕之居家儉約衣服器用飲食雖貴如初宦時少為劉筠所知嘗為奏其族子為筠後又請還筠家向所沒田廬有奏議十五卷子誕

孝肅包公遺事

包希仁嘉祐七年五月辛未以樞密副使薨車駕臨幸其第公廬州人進士及第以親老侍養

不仕宦且十年人稱其孝後歷監察御史為天章閣待制知諫院遷龍圖閣直學士知瀛州又遷樞密直學士知開封府為人剛嚴不可干以私京師為之語曰關節不到有閻羅包老吏民畏服遠近稱之歷御史中丞三司使樞密副使薨為長吏僚佐有所關白喜面折辱人然其所言若中於理亦幡然從之剛而不愎此人所難也王禹玉曰包希仁知廬州廬州即鄉里也親舊多乘勢擾官府有從舅犯法希仁撻之自是

親舊皆屏息右見皇朝類苑官政治績篇

西羗俞龍珂既歸朝吏閣門引見謂押伴使曰平生聞包中丞拯朝廷忠臣某既歸漢乞賜姓包神宗遂如其請名順其後灑河極罄忠力

右見王鞏定國甲申雜記第二十事

後世子孫仕宦有犯贓濫者不得放歸本家亡歿之後不得葬於大塋之中不從吾志非吾子孫仰珙刊石豎于堂屋東壁以詔後世

右孝肅包公家

訓有石刺

清心為治本直道是身謀秀幹終成棟精鋼不
作鈎倉克鼠雀喜草盡狐兔愁史冊有遺訓無
貽來者蓋 右孝肅包公詩

龍圖包公生平若何肺肝冰雪胸次山河報國

盡忠臨政無阿杲杲清名萬古不磨 右孝肅包公遺像讚

知端州州歲貢硯前守緣貢率數十倍以遺權

貴人公命製者纔足貢數歲滿不持一硯歸為

中丞奏曰東宮虛位日久天下以為憂群臣數

有言者卒未聞有所處置未審聖意持久不決

何也夫萬物皆有根本而太子者天下根本也

根本不立禍孰大焉 仁宗曰卿欲誰立公曰

臣非才備位所以乞豫建太子者為 宗廟萬

世計耳 陛下問臣欲誰立是疑臣也臣行年

六十且無子非邀後福者惟 陛下裁察 仁

宗喜曰徐當議之 右見名臣言行錄

公在言路極言時事復為京尹令行禁止至今


天下皆呼包待制又曰包家市井小民及田野

之人凡狗私者皆指笑之曰你一箇包家見貪

汙者曰你一箇司馬家天下稱司馬公曰司馬家右見呂氏家塾記

榮陽公呂原明嘗言世人喜言無好人三字者可謂自賊者也包孝肅公尹京時民有自言以白金百兩寄我者死矣予其子其子不肯受願召其子予之尹召其子辭曰亡父未嘗以白金委人也兩人相讓久之公因觀此事而言無好人者亦可以少愧矣人皆可以為堯舜蓋觀於此而知之右見呂氏童蒙訓

公尹京號為明察有編民犯法當杖脊吏受賕與之約曰今見尹必付我責狀汝第呼號自辨我與汝分此罪汝決杖我亦決杖既而包引囚問畢果付吏責狀囚如吏言分辯不已吏人聲訶之曰但受脊杖出去何用多言包謂其市權粹吏於庭杖之十七特寬囚罪止從杖坐以沮吏勢不知乃為所賣卒如素約小人為奸固難防也孝肅天性峭嚴未嘗有笑容人謂包希仁笑比黃河清右見筆談



--	--	--	--	--

